

ESB-STOFNANIR

FRAMKVÆMDASTJÓRNIN

REGLUGERÐ FRAMKVÆMDASTJÓRNARINNAR (ESB) nr. 349/2011

2015/EES/55/01

frá 11. apríl 2011

um framkvæmd reglugerðar Evrópuþingsins og ráðsins (EB) nr. 1338/2008 um hagskýrslur Bandalagsins um lýðheilsu og heilbrigði og öryggi á vinnustað, að því er varðar tölfræðigögn um vinnuslys (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1338/2008 frá 16. desember 2008 um hagskýrslur Bandalagsins um lýðheilsu og heilbrigði og öryggi á vinnustað ⁽¹⁾, einkum 1. mgr. 9. gr.,

og að teknu tilliti til eftirfarandi:

- 1) Með reglugerð (EB) nr. 1338/2008 var settur sameiginlegur rammi fyrir kerfisbundna hagskýrslugerð í Evrópu um lýðheilsu og heilbrigði og öryggi á vinnustað.
- 2) Framkvæmdarráðstafanir er nauðsynlegar skv. 1. mgr. 9. gr. reglugerðar (EB) nr. 1338/2008 til að ákvarða gögnin og lýsigögnin sem veita á um vinnuslys, sem falla undir IV. viðauka við þá reglugerð, og einnig til að ákvarða viðmiðunartímabil, millibil og tímamörk um útvegum gagna.
- 3) Trúnaðargögn sem aðildarríki senda framkvæmdastjórninni (Hagstofu Evrópusambandsins) skulu meðhöndluð í samræmi við meginreglu um trúnaðarkvaðir í hagskýrslum, eins og mælt er fyrir um í reglugerð Evrópuþingsins og ráðsins (EB) nr. 223/2009 frá 11. mars 2009 um evrópskar hagskýrslur ⁽²⁾ og í reglugerð Evrópuþingsins og ráðsins (EB) nr. 45/2001 frá 18. desember 2000 um vernd einstaklinga í tengslum við vinnslu persónuupplýsinga, sem stofnanir og aðilar Bandalagsins hafa unnið, og um frjálsa miðlun slíkra upplýsinga ⁽³⁾.
- 4) Kostnaðar- og ábatagreining hefur farið fram og verið metin í samræmi við 6. gr. reglugerðar (EB) nr. 1338/2008.
- 5) Ráðstafanirnar, sem kveðið er á um í þessari reglugerð, eru í samræmi við álit nefndarinnar um evrópska hagskýrslukerfið.

SAMÞYKKT REGLUGERÐ ÞESSA:

*I. gr.***Skilgreiningar**

Í þessari reglugerð er merking eftirfarandi hugtaka sem hér segir:

- a) „Vinnuslys“: einstakt atvik sem verður meðan á vinnu stendur og leiðir til líkamlegs eða andlegs tjóns. Orðasambandið „meðan á vinnu stendur“: þegar atvinnustarfsemi er stunduð eða þegar á vinnutíma stendur. Í þessu felast umferðarslys sem verða á vinnutíma en undanskilin eru ferðaslys til og frá vinnu, þ.e. umferðarslys sem verða á leiðinni milli heimilis og vinnustaðar,
- b) „banaslys“: slys sem leiðir til andláts tjónþola innan árs frá því að slysið varð,
- c) „atvinnustarfsemi vinnuveitandans“: helsta „atvinnu“starfsemi á starfsstöð í fyrirtæki tjónþolans,
- d) „aldur“: aldur tjónþola þegar slysið varð,
- e) „tegund áverka“: líkamlegar afleiðingar fyrir tjónþola,
- f) „landfræðileg staðsetning“: svæðisbundin eining þar sem slysið hefur orðið,
- g) „stærð fyrirtækisins“: fjöldi starfsmanna (samsvarar fullum störfum) sem starfa á starfsstöð fyrirtækis tjónþola,
- h) „þjóðerni tjónþola“: ríkisfangsland,
- i) „dagur frá vinnu“: fjöldi almanaksdaga þar sem tjónþoli er óvinnufær vegna afleiðinga vinnuslyss,
- j) „vinnustöð“: hefðbundið eða, að öðrum kosti, tímabundið eðli stöðu/starfs sem tjónþoli hefur þegar slysið á sér stað,
- k) „vinnuumhverfi“: vinnustaðurinn, athafnasvæði við vinnu eða almennt umhverfi þar sem slysið varð,
- l) „tegund vinnu“: helsta tegund vinnu eða verkefni (almenn starfsemi) sem tjónþoli stundaði þegar slysið varð,

(*) Þessi ESB-gerð birtist í Stjtið. ESB L 34, 9.2.2011, bls. 29. Hennar var getið í ákvörðun sameiginlegru EES-nefndarinnar nr. 189/2012 frá 28. september 2012 um breytingu á XXI. viðauka (Hagskýrslugerð) við EES-samninginn, sjá EES-viðbætur við Stjórnartíðindi Evrópusambandsins nr. 70, 13.12.2012, bls. 31.

⁽¹⁾ Stjtið. ESB L 354, 31.12.2008, bls. 70.

⁽²⁾ Stjtið. ESB L 87, 31.3.2009, bls. 164.

⁽³⁾ Stjtið. EB L 8, 12.1.2001, bls. 1.

- m) „sértæk hreyfing“: nákvæm hreyfing tjónþola á andartakinu þegar slysið varð,
- n) „efnislegur hlutur sem tengist sértæku hreyfingunni“: tæki, hlutur eða verkfæri sem tjónþoli notaði þegar slysið varð,
- o) „frávik“: síðasti atburður sem vék frá því eðlilega og leiddi til slyssins,
- p) „efnislegur hlutur sem tengist frávikinu“: tæki, hlutur eða verkfæri sem kom við sögu í hinu afbrigðilega atviki,
- q) „snerting – hvernig áverkar urðu“: hvernig tjónþoli meiddist (líkamlegur eða andlegur skaði) af völdum hins efnislega hlutar sem olli áverkunum,
- r) „efnislegur hlutur sem tengist snertingunni – hvernig áverkar urðu“: tæki, hlutur eða verkfæri sem tjónþoli komst í snertingu við eða sálræn tegund áverka.

2. gr.

Nauðsynleg gögn

1. Aðildarríki skulu senda framkvæmdastjórninni (Hagstofu Evrópusambandsins) einstaklingsbundin gögn um aðila sem lent hafa í slysi við vinnu sína á viðmiðunartímabilinu og tengd lýsigögn. Skráin yfir breyturnar sem sendar verða til framkvæmdastjórnarinnar (Hagstofu Evrópusambandsins), skyldubundin eða valkvæð staða breytunnar og fyrsta gagnasendingarárið er sett fram í I. viðauka.
2. Afhending gagna um vinnuslys sem varða sjálfstætt starfandi aðila, þá sem vinna við fyrirtæki eigin fjölskyldu og námsmenn skal vera valkvæð.
3. Afhending gagna um vinnuslys, sem falla undir trúnaðarkvöð samkvæmt landslöggröf, sem skráð eru í II. viðauka, skal vera valkvæð.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 11. apríl 2011.

4. Æskilegt er að gögn um vinnuslys sem urðu á viðmiðunarárinu séu byggð á skráum og öðrum stjórnsýsluheimildum. Þegar þessu er ekki komið við er heimilt að nota matsgerð og tilreikning, jafnvel ef byggt er á könnunum en ekki gögnum frá hverju tilviki fyrir sig, til að fylla í eyður í gagnabækjunni.

3. gr.

Viðmiðunartímabil

Viðmiðunartímabilið skal vera almanaksárið þegar tilkynnt er um slysin til lögbærra landsyfirvalda.

4. gr.

Lýsigögn

1. Aðildarríki skulu senda framkvæmdastjórninni (Hagstofu Evrópusambandsins) árlega sannpröfun og uppfærslu á lýsigögnum ásamt gögnunum.
2. Senda skal lýsigögnin samkvæmt stöðluðu sniðmáti sem framkvæmdastjórnin (Hagstofa Evrópusambandsins) tilgreinir og skal fela í sér þættina sem um getur í III. viðauka.

5. gr.

Sending gagna og lýsigagna til framkvæmdastjórnarinnar (Hagstofu Evrópusambandsins)

1. Aðildarríki skulu senda gögn og lýsigögn í samræmi við skiptistaðal, sem framkvæmdastjórnin (Hagstofa Evrópusambandsins) tilgreinir, innan 18 mánaða frá lokum viðmiðunartímabilsins.
2. Senda skal gögn og lýsigögn til framkvæmdastjórnarinnar (Hagstofu Evrópusambandsins) með rafrænum hætti með því að nota miðlæga gagnagrunnsþjónustu framkvæmdastjórnarinnar (Hagstofu Evrópusambandsins).

6. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Fyrir hönd framkvæmdastjórnarinnar,

José Manuel BARROSO

forseti.

I. VIÐAUKI

SKRÁ YFIR BREYTUR

Evrópskar hagskýrslur um vinnuslys (ESAW) – breytur á fösum I og II		
Breytur	Nákvæm skilgreining	Fyrsta gagnasendingarárið
Málsnúmer	Sérstakt málsnúmer til að auðkenna hverja einstaka skýrslu og tryggja að hver skýrsla standi fyrir ákveðið vinnuslys. Valið málsnúmer verður að hafa fjögurra tölustafa forvalsnúmer fyrir árið þegar slysið var tilkynnt til lögbærra landsyfirvalda.	2013
Atvinnustarfsemi vinnuveitanda	fjögurra tölustafa sundurliðun atvinnugreinaflokunarinnar (NACE, 2. endursk.) ⁽¹⁾	2013 fyrir atvinnugreinaflokun Evrópubandalagsins (NACE 2. endursk.) A og C–N 2015 fyrir atvinnugreinaflokun Evrópubandalagsins (NACE 2. endursk.) B og O–S.
Starf tjónþola	Tveggja tölustafa sundurliðunarstig alþjóðlegu starfaflokunarinnar (ISCO-08)	2013
Starf tjónþola	Tveggja tölustafa númer	2013
Kynferði tjónþola	Eins tölustafs númer	2013
Tegund áverka	Þriggja tölustafa útgáfa af flokkun evrópskra hagskýrslna um vinnuslys á 'tegund áverka' samkvæmt aðferðafræði evrópskra hagskýrslna um vinnuslys.	2013
Skaddaður líkamshluti	Tveggja tölustafa útgáfa af flokkun á 'skaddaður líkamshluti' samkvæmt aðferðafræði evrópskra hagskýrslna um vinnuslys.	2013
Landfræðileg staðsetning slyssins	Fimm tölustafa kóðun samkvæmt sameiginlegri flokkun hagskýrslusvæða. ⁽²⁾	2013
Dagsetning slyssins	Töluleg breyta sem er gefin upp sem ár, mánuður og dagur	2013
Tími slyssins	Tveggja tölustafa breyta sem tiltekur tímabil í klukkustundum samkvæmt aðferðafræði evrópskra hagskýrslna um vinnuslys	valfrjálst
Stærð fyrirtækisins	Flokkar samkvæmt aðferðafræði evrópskra hagskýrslna um vinnuslys	valfrjálst
Þjóðerni tjónþola	Flokkar samkvæmt aðferðafræði evrópskra hagskýrslna um vinnuslys	valfrjálst
Atvinnustaða tjónþola	Flokkar samkvæmt aðferðafræði evrópskra hagskýrslna um vinnuslys	2013
Dagar frá vinnu (alvarleiki)	Flokkar samkvæmt aðferðafræði evrópskra hagskýrslna um vinnuslys Sérstakir kóðar sem notaðir eru til að tákna varanlega óvinnufærni og banaslys.	2013
Vægi safns evrópskra hagskýrslna um vinnuslys	Verður notað þegar aðildarríkið notar úrtak fyrir gagnasöfnun um slys og/eða vill leiðrétta þegar of fáar skýrslur hafa borist. Sjálfgelinn stuðull 1 er notaður þegar þetta á ekki við.	2013

⁽¹⁾ Reglugerð Evrópuþingsins og ráðsins (EB) nr. 1893/2006 frá 20. desember 2006 um stofnun atvinnugreinaflokunar Evrópubandalaganna (NACE, 2. endursk.) og um breytingu á reglugerð ráðsins (EBE) nr. 3037/90, og einnig tilteknum EB-reglugerðum um sérstök hagskýrslusvið (Stjtið. ESB L 393, 30.12.2006, bls. 1).

⁽²⁾ Reglugerð Evrópuþingsins og ráðsins (EB) nr. 1059/2003 frá 26. maí 2003 um að taka upp sameiginlega flokkun hagskýrslusvæða (NUTS). (Stjtið. ESB L 154, 21.6. 2003, bls. 1.)

Evrópskar hagskýrslur um vinnuslys – breytur á fasa III um ástæður og aðstæður		
Breytur	Nákvæm skilgreining	Fyrsta gagnasendingarár
1. Vinnustöð	Flokkar samkvæmt aðferðafræði evrópskra hagskýrslna um vinnuslys	2015(*)
2. Vinnuumhverfi	Þriggja tölustafa útgáfa af flokkun á ‚vinnuumhverfi‘ samkvæmt aðferðafræði evrópskra hagskýrslna um vinnuslys	2015(*)
3. Tegund vinnu	Tveggja tölustafa útgáfa af flokkun á ‚tegund vinnu‘ samkvæmt aðferðafræði evrópskra hagskýrslna um vinnuslys	2015(*)
4. Sértek hreyfing	Tveggja tölustafa útgáfa af flokkun á ‚sértækri hreyfingu‘ samkvæmt aðferðafræði evrópskra hagskýrslna um vinnuslys	2015(*)
5. Frávik	Tveggja tölustafa útgáfa af flokkun á ‚frávik‘ samkvæmt aðferðafræði evrópskra hagskýrslna um vinnuslys	2015(*)
6. Snerting – hvernig áverkar urðu	Tveggja tölustafa útgáfa af flokkun á ‚snertingu – hvernig áverkar urðu‘ samkvæmt aðferðafræði evrópskra hagskýrslna um vinnuslys	2015(*)
7. Efnislegur hlutur sem tengist sértekri hreyfingu	Fjögurra tölustafa flokkun á ‚efnislegum hlut‘ samkvæmt aðferðafræði evrópskra hagskýrslna um vinnuslys	2015(*)
8. Efnislegur hlutur sem tengist frávikinu	Fjögurra tölustafa flokkun á ‚efnislegum hlut‘ samkvæmt aðferðafræði evrópskra hagskýrslna um vinnuslys	2015(*)
9. Efnislegur hlutur sem tengist snertingu – hvernig áverkar urðu	Fjögurra tölustafa flokkun á ‚efnislegum hlut‘ samkvæmt aðferðafræði evrópskra hagskýrslna um vinnuslys	2015(*)
Vægi orsaka og aðstæðna	Verði notað þegar aðildarríki beitir viðbótarúrtaki við kóðun á evrópskum hagskýrslum um vinnuslys – breytum á fasa III um orsakir og aðstæður. Sjálfgelinn stuðull 1 er notaður þegar þetta á ekki við	2015

(*) Skyldubundin afhending að minnsta kosti þriggja af níu breytum

II. VIÐAUKI

SKRÁ YFIR STARFSGREINAR SEM FALLA UNDIR TRÚNAÐARKVÖÐ FYRIR VALKVÆÐA AFHENDINGU

Samkvæmt alþjóðlegu starfaflokkuninni (ISCO-08)

- 0 Störf hjá her
- 3351 Toll- og landamæraverðir
- 3355 Lögreglumenn og rannsóknarlögreglumenn
- 541 Gæslu-, eftirlits- og björgunarstörf
 - a. 5411 Slökkviliðsmenn
 - b. 5412 Lögreglumenn
 - c. 5413 Fangaverðir
 - d. 5414 Öryggisverðir
 - e. 5419 Önnur gæslu-, eftirlits- og björgunarstörf, ekki flokkuð annars staðar

Samkvæmt atvinnugreinaflokkun Evrópusambandsins (NACE 2. endursk.):

- 84.22 Varnarmál
 - 84.23 Dómstólar og fangelsi
 - 84.24 Löggæsla og almannaöryggi
 - 84.25 Slökkviliðs- og björgunarstarfsemi
-

III. VIÐAUKI

LÝSIGÖGN

Lýsigögnin lýsa eftirfarandi þáttum, eftir atvikum og þegar viðeigandi er, til að skilja að fullu gögn evrópsku hagskýrslanna um vinnuslys:

- mannfjöldi sem náð er yfir með tilliti til geira og hugsanlega undirgeira atvinnugreinaflokunar Evrópusambandsins (NACE 2. endursk.) og atvinnustöðu,
 - upplýsingar um starfsgreinar/atvinnugreinar þar sem gögn um vinnuslys falla undir trúnaðarkvöð samkvæmt landslöggiöf og er ekki hægt af afhenda,
 - tilkynningarhlutfall vinnuslysa sem nota á til leiðréttingar þegar of fáar skýrslur hafa borist.
 - umfang mismunandi tegunda slysa eins og útskýrt er í aðferðafræði evrópskra hagskýrslna um vinnuslys,
 - sýnatökuaðferðin – ef við á – sem er notuð við uppsetningu á safni um einstaklingsbundin gögn,
 - sýnatökuaðferðin – ef við á – sem er notuð við kóðun breytna um ástæður og aðstæður,
 - fjöldi banaslysa í umferðinni og banaslysa um borð í hvers konar flutningatæki á ferð við vinnu einstaklinga sem hafa störf utan við H-bálk atvinnugreinaflokunar Evrópusambandsins (NACE 2. endursk.), „Flutningur“,
 - upplýsingar um landsbundna sérstöðu sem nauðsynlegar eru við túlkun og samantekt á samanburðarhæfum hagtölum og vísum.
-